



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Oliverii Florentii Waterloop Congreg. Oratorii B. Mariae
Aspricol. Presbyteri Monita Spiritvalia Et Moralia
Tetrastichis distincta**

Waterloop, Oliverius F.

Antverpiae, 1657

Titulus II. Tiro.

urn:nbn:de:hbz:466:1-9689

POEMATVM SPIRITUALIVM PARS I.

17

Vbi sceptrum mos malus tenet,
Ibi multa regnabunt mala;
Quæ nec licebit, cùm semel
Inoleverint, revellere.

Prodeesse si vis mentibus,
Ama præesse mitibus.
Fit agnus agni dux, pater
Columbuli, columbulus.

Te subtrahe ingenii feris;
Sinistra vita: bruta erunt
Et dira, si facis malè;
Ingrata, si facis bene.

Vbi videris, quod dirigi
Vel abnuit, vel non potest;
Cunctare. Messis tempore,
De fruge decernet DEUS.

Fac muneris quod est tui;
Quod est sui faciet DEUS:
Fac Antecedens, & DEO
Permitte Consequentiam.

18. Quod ære communi struis,
Vel omnium causâ facis,
Hoc antè sensu plurium,
Votoque communi proba.

P A R S P R I M A.

T I T V L V S S E C V N D V S.

Tiro.



Viesce Tiro, audi, tace.
Stilo noyo, cerâ novâ,
Nudâ tabellâ, spiritûs
Docende regulis, eges.

O qui per ignotas novæ
Regendus es mentis vias!
Vacuis tibi nunc auribus,
Oculisque cæcis est opus.

Audi, tace, luge, fuge;
Ora, labora; fustine,
Et abstine; mentem Deo,
Sensusque menti subjice.

Si te DEUMQUE noscere;
Odio teipsum, & maximo
Amore CHRISTUM prosequi
Desideras, NESCIRI AMA.

Te, Tiro, da totum tibi;
Externa mitte negotia;
Ut mente gustes integrâ,
Quam suavis est cordi DEUS.

Cælesti fuge lac puer,
Verumque cum recto bibe.
Vtriusque odorem, vas recens,
Servabis, & referes diu.

C

Quæ

18 OLIVERII FLORENTII WATERLOOP

Quæ prima feceris puer,
Vel dixeris benè aut male,
Tecum senescet: te prior
Sequetur institutio.

Rationis à primordio
Cælum intuere; terrea
Contemne: tale exordium
Felix sequetur clausula.

Postremus ut vitæ dies
Prioribus respondeat;
Baptisma quam puerō dedit,
Adspira ad innocentiam.

At longiore ne morâ
Amor tepescat & labor;
Hunc posse, quem vides, diem
Tibi esse postremum puta.

Modestia in vultu excubat;
In ore purpurat pudor;
In fronte ridet gratia.
Quæ causa? Virtus est domi.

A mole carnis libera
Haud pendet anima: corporis
Agnata temperies tui
Mentis vigorem non facit.

Formæ, & venusto corpori,
Veniens dies demit diem.
Tibi placeat mentis decor,
Virtus, color vivus DEI.

Non oris aut frontis decor,
Non forma te pulchrum facit;
Sed mentis albæ puritas,
Morumq[ue] sanctorum tenor.

Innata menti semina
Virtute maturâ excole:
Hæc segregatum bestiis,
Te proximè junget DEO.

Procul habitat Sapientia:
Ni te in viam dederis puer,
Vix ædium tanges senex
Sacratio[n]tum limina.

Primis ab annis inclytæ
Virtutis angustam riga
Sudore nobili viam,
Amans laboris improbi.

Ne pigriteris arduam
Inire Virtutis viam.
Primis ab annis fortia
Facere & pati, format virum.

Etiámne cessas? incipe.
Perire quæ finis modò,
Frustrâ deinceps perdita
Quæres adultus tempora.

Tempus futurum non habes;
Præsente, quod fluit, cares.
Quàm falleris, qui te putas
Tempus terendo fallere!

Tacente dum cursu tibi
Dies & annus labitur,
Virtutis augendæ perit,
Quod hora carpit, otium.

Iuvenilis ætas floribus
Solet esse quàm simillima:
Stude, futuris fructibus
Præludat ut pueritia.

Citò,

Citò, citò quod prodest, age;
Citò fuge, quod nocet citò:
Multis vel in pueritiâ
Exisse mundo, profuit.

O te beatum, si DEO
Iuvenis, puérve primulam
Offers opellam! quem putas
Diem futurum, nox erit.

Constantis ætatis tibi
Ne pollicere terminos:
Celeri quis ausit cursui
Anni ruentis fidére?

Nixus juventâ, & flosculo
Viridantis ævi, falleris.
Abiisse senties priùs,
Quàm verè adesse senseris.

Vitutis in canos opus
Nc differ annos: mors sua
Differre nescit stamina;
Tibi omnis hora scribitur.

Vbi ad senectam veneris,
Frustrà juventæ perditos
Sperabis annos: tunc seni
Tractanda erunt senilia.

Ne fide primulæ, puer,
Oris tenelli purpuræ:
Decerpta sëpè pulchrior
Sub unguibus periit rosa.

Hoc oris & formæ decus,
Quo gloriaris, plantulæ
Instar tenellæ, cùm metet
Falx mortis, id faciet solens.

Quando in sepulchretis patrum
Multò minores te jacent,
Ætatis omnis tempora
Fac disciplinæ idonea.

Dum ludis, hora mobilis
Alis volat pernicibus,
Et cæca mors casles parat
Brevis diei prodigo.

Sol omnium celerrimus
Nobis videtur; est tamen
Celerior hora: non semel
Stetit hora; Sol stetit semel.

Tibi primus omnis sit dies;
Postremus omnis sit dies:
Te primus applicet bonis;
Postremus avellat malis.

Longum est iter; tempus breve:
Animæ salus, negotium
Negotiorum maximum,
Tuam excitet socordiam.

Occasionis obviam
Prehende frontem: opus bonum
Celer inchoa; citò perfice.
Mors instat, impatiens moræ.

Occasioni obtempera;
Obtemperabit hæc tibi.
Benè cœpta constans promove,
Cœpisse ne sit turpius.

Te da libenter obviae
Occasioni commodum;
Tuis vicissim serviet,
Dabitque tempus usibus.

C 2 2. Pri-

2. Primam audiendi Numinis
Occasionem amplectere;
Ne quam prius neglexeris,
Frustrà deinde quærites.

Cur te foris, IESU puer,
Diu vagantes quærimus?
Es intus, obsequio Patris:
Nos cordis in templo doces.

Mens vana, lucis indiga,
DEUM vides, & non vides:
Audis, nec audis: qui propè,
Imò intus est, quæris foris.

Abducta mens à sæculo
DEUM audit intus, & videt.
Cor hospes hospitis DEI
Theologiam discit brevem.

Ad vanitatis quò magis
Accedis umbras, & nihil;
Hòc veritatis longius
Recedis à luce, & Deo.

In re salutis, quis tibi
Si non tibi ipse consulas?
Quid tu, nisi in te agat DEUS?
Ecquando, si nunc negligis?

DEI fideles vocibus
Aures habe; pariter tuis
Aures apertas vocibus
Fidelis ostendet DEUS.

Vt agens agaris à DEO,
Da tempus illi, da locum:
Patientis expleas vices;
Agentis explebit DEUS.

Aures apertas arrige,
Os clade; vult loqui DEUS.
Pectus caducis exime,
Vult illud ingredi DEUS.

Tibi loquatur ut DEUS,
Silere oportet omnia.
Sed quī filebunt omnia,
Nisi & silere tu velis?

Loquentem ut audias DEUM,
Iube silere cetera.
Vt liber in te agat DEUS,
Hunc disce tranquillus pati.

3. Placitum Deo vitæ genus
Vt assequaris, elige
Prudentiorum, sed tuas
Adscisce consiliis preces.

Constantis & gravis viri
Nequit esse consilium leve,
Nec ambigens sententia:
Facit tenacem veritas.

Felicitate plus solet
Valere consilium bonum.
Viri periti oraculum,
Est ipsamet Felicitas.

4. Attende tibi. Sequere DEUM.
Sede antequam surrexeris;
Et surge postquam federis;
Effunde postquam infuderis.

Ad se vocavit te DEUS,
Magnâque traxit gratiâ:
Sequere, &, ut assequi queas,
Prece & labore adnitere.

5. Can-

POEMATVM SPIRITVALIVM PARS I. 21

5. Candoris, ô puer, tui,
Et mentis indolem bonæ,
Petulanter irridentium
Ride coævorum gregem.

Pietatis in te imaginem
Qui rideant socios vides?
Hos mitte donec lugeant,
Tuusque, & istorum mane.

Non te malorum irrisio
Det in ruborem: turpia
Nec mente versa; sed DEUM,
Et Angelos, & te time.

Ceu derelictum te timor
Divinus anget: te diu
Noctuque cælo supplicem
Spernet superbus, & piger.

Mundana quæ fex jactitat,
Vnius æstima pili.
Mens recta, curvis sensibus
Immanè quantum dissidet:

6. Reverere docilis, & lubens,
Quos sacra vestit Infula,
Mysteriorum, dogmatum,
Viæque cæli consios.

Est, absque doctore, ad malum
Tua indoles idonea:
Sed ad bonum, tibi est opus
Doctore: Virtus discitur.

Animi arbitrum, & ducem tui
Mille inter vnum felige;
Qui, quod tuæ placeat magis,
Profitque menti, noverit.

Doctum piu[m]q[ue]; animi ducem,
Viæ peritum, & prælij,
Et intus & foris diu
Exercitatum, delige.

Bonum viæ cense ducem,
Qui te intus antè noverit,
Opesque, & inopiam tuam
Longa sit edoctus die.

Morum magister, est DEI
Animata imago: quisquis es
Auditor, æstima virum,
Et in viro æstima DEUM.

Morem DEO gerentibus,
Morem lubens meritò gere.
In voce Doctoris sacri
Agnosce Doctorem DEUM.

Mentis ducem, mente elige;
Quem legeris, reget DEUS:
Opus, modus, tempus, locus
Ab ejus ore pendeant.

Lectum tibi, ceu cælitus
Datum, cole & serva Ducem;
Qui fidus instet pectori
Magister, & medicus tuo.

Audi monente[m]: audi patrem.
Quicumque fidum spiritū
Audire negligit ducem,
Nescire vult, quod vult DEUS.

Bona inter, elige optimum;
Elegit hoc, qui paruit.
Quod vox Regentis jussit,
Id esse disces optimum.

C 3

Te

Te dicta scriptaque omnia
Prisci docebunt saeculi,
Factos fuisse maximos,
Qui partiere maximis.

Animi ducem, raro DEI
Lectum datumque munere,
Si linquis imprudens, time
Quas orcus insidias struit.

Vt sis DEI, ne sis tuus;
Lecto Duci morem gere:
Virtutis ad fastigium
Itinere pertinges brevi.

Deo placere si viæ
Desideras compendio,
Tuus esse cessa: nam tuus,
Largè seres, parcè metes.

Facilem bonis calca viam
Obtemperando: gratior
Fies Deo, quam si tuæ
Spontis sequaris aspera.

Errationis pessimæ
En optimum compendium:
Gnarum viæ DEI ducem
Sectare, diffisus tibi.

Securiore vis pede
Inire virtutis viam?
Parere disce. ni facis,
Longos per anfractus rues.

Stas solus? ut ne mox cadas,
Verere; sed magis time,
Ne lapsus, haud facile queas,
Nullo juvante surgere.

Sub fasce lapsus, in pedes
Te solus haudquam eriges:
Nec cæcus, amissio duce,
Tutam redibis in viam.

Carere si gaudes duce,
Agrestis instar arboris,
Quem forte fructum proferes,
Fur ante tempus auferet.

Adjunctus ut carbo suum
Citò perdit ignem; sic duce
Orbatus algebis citò,
Ardoris expers pristini.

Duce destitutus in lutum
Dilapsus, hærebis luto.
Parvi tuam facis animam,
Tibi quam tuo fidis duci.

Tunc maximè cum solus est,
Homo malignus est miser:
Fit namque nequam nequior,
Quando relictus est sibi.

Si pareas, &, ceu DEI,
Consulta patris audias;
Securus es de judicis
Severioris fulmine.

Animi magistris obsequens
Haud erubescas, quod tua
Benefacta carpant ludij,
Aut sanniones rideant.

Ni jussa præferas tuis
Ratiocinationibus,
Obedientiae tibi
Corona non cinget caput.

Te

POEMATVM SPIRITVALIVM PARS I. 23

Te subde lenis imperI
Suavi jugo, violens volens,
Seu magna, seu minutula
Lex imperârit munia.

7. Obedi : obedientia
Est liberi arbitrii tui
Pulchrum sepulchrū, & Numini
Accepta summo victimā.

Humilis obedientia,
Sublimis est prudentia ;
Divinioris lumen est
Vicarium sapientiæ.

Est munus, & jus proprium
Prudentiæ, legem dare:
Simplex obedientiæ,
Tironis est prudentia.

Errare, qui præest, potest;
Errare, qui paret, nequit:
Humilis obedientia,
Sublimis est prudentia:

Nullis obedientia
Ratiocinationibus
Aut syllogismis indiget;
Humilis voluntas sufficit.

Simplex obedientia
Cæca, expedita, flexilis,
Ratione quod non discutit,
In mentis audit vertice.

SAPIENTIA inscrutabilis,
Quas gratias agam tibi,
Obedientem quæ tuâ
Me dirigis cæcum manu!

8. Si recta commonentibus
Parere tardus, vis tuis
Obtemperare sensibus,
Onus grave imponis tibi.

Plenè ut jubenti pareas,
Tuo repugna sensu.
Malè ille paret, qui suo
Præjudicat de judice.

Quidquid tenellum protulit
Natura, fecit flexile:
Quale ergo monstrum est, quæ suum
Iuventa vult morem sequi!

Iuveni arroganti nil opus
Alius astu dæmonis ;
Se quando sectatur ducem,
Fit ipse met dæmon sibi.

Ne sis tui sensus tenax:
Qui plus satis credit sibi,
Se fallit ipsum, & dæmonem
Nequissimum sibi se facit.

9. Abrumpे solita, cùm tui
Oraculum suadet patris:
Haud cessat ille, qui otio
Nimium fugit negotium.

Ne, quod solet, prudentiæ
Fisus tuæ erres devius,
Ex mente mentis arbitri
Fac quod facis, fuge quod fugis.

Ni spiritalis arbitri
Vocem libenter audias,
Te semper urent anxiæ
Tormenta conscientiæ.

10. A

24 OLIVERII FLORENTII WATERLOOP

10. A PANIS esu Mystici
Iussus libenter abstine;
Né mentis obstinatio
Hoc reddit indignum cibo.

Sumpturus Angelicas dapes,
Spe pectus & metu índue:
Hæc mensa, inertis otij
Securitatem respuit.

Quoties adorandæ capis
Synaxeos mysterium,
Toties patens CHRISTI Latus,
Sacrumque fugis Sanguinem.

O Corporis IESU tui
Meam cibo seda famem:
Tuique sacri Sanguinis,
Meam scypho leva sitim.

Tali cibo, tali scypho
Mens ebria immemor sui
Mundiique, te DEUM unicum
Solumque sola cogitet.

Tua CHRISTE IESU Vulnera
Tantâ fluunt dulcedine,
Vt quisquis illa suxerit,
Mel omne mundi naufeat:

Vt opes, honores, gloriæ
Fumos & umbras despuat;
Crucisque gloriam tuæ
Sectetur, oblitus sui.

Te nube panis abditum
Agnosco Numen : te colo,
Te mentis intueor fide,
Te cordis amplector sinu.

Oculum color, linguam sapor,
Manumque fallit tactio;
At sola ab auditu Fides
Te sentit, & clamat DEUM.

11. Fuge disciplinæ naufem.
Magni æstima, quas tradidit
Morum magister regulas;
Easque discipulos doce.

Dictum monentis excipe
Hilariter, & grates age:
Mitiique mente suscipe
Cæci medelam vulneris.

Redarguentem candidè
Tua facta multum dilige:
Vult ille te similem sibi;
Facitque quod neglexeras.

Quis corporis morbo obsitus,
Medicum minoris eligat
Pretii, & perito præferat?
Ne cura sit mentis minor.

Vt corpus eximas malis
Humoribus, ferro exhibes
Secunda membra; & debitam
Habes chirugo gratiam.

Mercede gaudet, qui secat
Vritque membra corporis.
Hinc disce mentis fauciæ
Medico esse gratus, & DEO.

Si turbulentus abjicis
Erroris indicem tui;
Labeculæ levis notam
Graviore dannas crimine.

Quam-

Quamvis acerbus qui monet,
Nulli nocet: qui vult tibi
Benè esse, cùm voles, dabit.
Velis volenti etiam benè.

Quod vult cupido cogitat,
Non quod decet: plus est tibi
Amanda amara veritas.
Errasse se, rari vident.

Amore veri sustine
Amara; scabro pectori
Æruginis sæpè aspera
Detersit hircum veritas.

Gravis obstinato veritas,
Est grata docili; ceu potens
Inerudit pectoris
Rubiginem detergere.

Acerba quin redarguens
Sit veritas, nemo ambigit;
Soli sed est acerbitas
Exosa pertinaciæ.

Vice anguis est monitor tibi;
Magister, ignis: tu vice
In se ruentis es rotæ,
Freni jugique nescius.

Odiosa si sit veritas;
Si grata falsitas tibi:
Veto obtinebis omnium,
Odiosus ut sis omnibus.

Homines doceri, corrigi
Gravamur: utiliter licet,
Recteque fiat; híc tamen
Operam modumve carpimus.

Est semper aliquid, filio
Quod in parente non placet:
Omnisq[ue] discipulus habet,
Quod in magistro displicet.

Haud aptus es sapientiæ,
Te quando ineptum diligis:
Nec qualis exoptas eris,
Nisi oderis te, qualis es.

Ama libens & suaviter
Regentis imperium pati.
Pati recusas? lapsui
Iam proximus, vel lapsus es.

Præcepta quò placent minùs,
Hòc promptius morem gere.
Ibi esse spera plus DEI,
Vbi invenis minus tui.

Animi magistros & duces
Reverenter ut patres habe.
In cælum, & in semet spuit,
Quisquis parenti obnititur.

Vbi cæca mens, viæ DEI
Ignara, confidit sibi;
Rebelle pectus obstrepit,
Obstatq[ue] luci gratiæ.

Vbi multitudo Numinis
Laborat ignorantia,
Vero simulta obstrepit,
Ignota virtus vapulat.

Fidens sibi ignorantia,
Tot monstra, consiliis malis,
Peperit, parit, pariet, Hydrâ
Sit ut Herculis secundior.

D

Mens

Mens cæca dat videntibus,
Quod non videt spectaculum.
Mens ægra sanis indicat,
Quod ipsa non sentit malum.

Si spiritualis dogmatis
Suave detrectas jugum;
Patieris atri Tartari
Regem tyrannum, & te tibi.

Nuper pius, reverens DEI,
Simplex, modestus, candidus;
Dic unde spiritum novæ
Præsumptionis hauseris?

Mundi relictis retibus,
Subesse amabas Præfidi:
Hoc nauseas nunc; nunc amas
Præesse: sis apostata.

Ne disciplinam, quam bonus
Dextrâ magister porrigit,
Capias sinistrâ; sed tuo,
Quòd non capis, vitio imputa.

i2. Ut arduam Cæli viam
Tuto sequaris tramite,
Te subde spiritualium
Commilitonum cœtui.

Summas Deo grates age,
Quòd non sedes in improbis
Turbæ otiosæ circulis,
Sed in optimâ CHRISTI scholâ.

Via terret ascensu ardua?
Hanc linque: se offert mitior;
Tam grata Cælo, nec minus
Tibi fructuosa, quam prior.

Vnum ad locum varia est via;
Carpe hanc, vel istam: ni viam
Vnam tot inter eligis,
Mirum nihil quòd devias.

Inter tot ad Cælum vias,
Si non yel unam firmiter,
Pressoqué triveris pede,
A toto aberrabis polo.

i3. Perfectionis in statu
Quando esse te negat schola;
Conare, pro tui statu
Perfectione, vivere.

Non te loco aut statui timor,
Tua sed voluntas alliget.
DEI dicatus cultui
Vult esse liber spiritus.

Est cui domus sordet tua,
Tuique leges ordinis.
Hunc mitis audi, aut suaviter
Dic: Te, tuosque diligo.

Quis ordo Cælo dignior?
Quis major? ordo amantium.
Hos tu, sed hostes plus ama:
Hoc major es, quòd plus amas.

Malis inepti nonnihil
Olere ruris, quam piæ
Leges domus temerariâ
Urbanitate transgredi.

Quâ constitutus in rate
Vitam ad secundam trajicis,
In hac mane. Te homines in hac
Posuere? dispositus Deus.

i4. Non

POEMATVM SPIRITUALIVM PARS I.

27

- | | | |
|-----|---------------------------------------------------------------------------------------------------------------------------------------|-----------------------------------------------------------------------------------------------------------------------------------|
| 14. | Non sacra vestis, non locus Tuam D ^E O probant Fideim; Sed pulchra C ^A lō militem Morum facit mutatio. | Non caritatis veritas, Nec veritatis caritas; Sed caritatis inopia Iunctos sodales separat. |
| | Curas levabit non locus, Sed cura mentis sauciæ. Mutare quid sedes juvat? Tu te ipse muta, non locum. | 15. Iussus domum relinquere Cui proderas; quò mitteris, Nec profuturus, mox abi: Iubet Pater, jubet D ^E US. |
| | Ecquid loci juvet fuga? Fugiens locum, non te fugis. Si te bonum non dat locus; Tu da bōnum, bonus, locum. | In inopiam de copiâ; De mentis ascenſu in D ^E UM, In sicca mitteris loca. Tibi perit istud? hoc manet. |
| | Tun' ordinis cupidine Confusa tecta deserat? Quem fortè præsens redderes, Confundis absens ordinem. | De luce mentis in novam Si volveris caliginem; Nox cæca nil minus tibi, Quàm clara donabit dies. |
| | Cor ignis urit? ne fuge Sodalium, at luge gelu: Scintilla parva maximum Incendium sensim trahet. | Si fortiter, si suaviter, Pietatis ut spargas opes, Tua damna spernis & probra; Tibi omne erit solum domus. |
| | Amore lucis igneus Fratrum tenebras dissipat: Ne linque, donec ignibus, Paribusque flammis ardeant. | Da deditos C ^H RISTO decem Mundi suique incurios: Ab his reductus ad D ^E UM Errare mundus desinet. |
| | Ten' igne cæli fervidum, Tepidos sodales linquere? Quid si D ^E US velit, tui Vt sis Sal & Sol Ordinis? | Si flammeas operis faces Quietis extinguit gelu; Cui grata risit actio, Quieta gaudebit D ^E US. |
| | Deesse ubi vides viros, Ibi esse te monstra virum: Sed absque cæli gratiâ Dic, quàm pusillus sis puer. | 16. Te, quem D ^E I junxit favor Sacro piorum cœtui, Parere par est, & bonum Præferre publicum tuo. |

D 2 Oras?

28 OLIVERII FLORENTII WATERLOO P

Oras & studes' proprio bonum
Commune præfer; non loci,
Horæ, vel aræ terminum,
Vt rem sacram facias, habe.

Nisi abstines à proprii
Electione commodi;
Repentè, quæ non eliges,
Te corrigent incommoda.

Virtutis est stimulus pudor.
Vbi sodales strenuè
Felicitèque rem gerunt,
Socors videri quis velit?

Fratres amore, more, re,
Ore & labore ni juvas;
Ceu fucus immunis sedens,
Aliena sumis pabula.

Indignus es vitâ, tui
Fructum laboris ni metis.
Sunt digniores plurimis,
Paucissimæ fucis apes..

Friges, nec oras, ô piger,
Sed igne discutis gelu?
Sine opere cur panem petis?
Disce absque pane mandere.

Vt panis haud desit tibi,
Apud pios habita pius:
Vbi fit voluntas Numinis,
Ibi suppetit quod est opus.

Si mente totâ, quæ DEUS
Abs te requirit, cogites;
In sanctâ abundè suppetet
Et panis & pannus domo.

17. Fili, benignam, dum licet,
In patris aurem projice
Quidquid gravat: mutus dolor
Pejora sæpe cogitat.

Aude abditos animi sinus
Aperire Confessario,
Omnesque vafri dæmonis
Suggestiones prodere.

Medici probi peritiæ
Morbos revelas corporis;
Sic mentis experto duci
Penetrale mentis explicata.

Malo, quod abditum tegis,
Medela nulla proderit.
Est vulnus immedicable,
Latèrè quod Medicum voles.

Omnis quidem multum tibi
Corruptus affectus nocet;
Sed qui latet sub pectore
Absconditus, sensim necat.

Fratres ut inter mutua
Pax regnet; ad querimonias
Subinde natas, filii
Responsa patris audiant.

18. Ignis novi tirunculus,
Quid æger ægris conferas?
Fert, qui jacet, lapsis opem,
Lapsis sibi que noxiæ.

Iacere quando te vides,
Iacentibus differ manum:
Nec ante tempus eroga,
Quod ipse nondum possides.

Fer-

Fervore, quo Tiro cales,
Parum jacenti proderis:
Panem doloris ruma,
Et surge postquam federis.

Cur mentis umbram vix habens,
Mentis magistrum te geras?
Fit, qui professus musicum
Cantat male, omnium jocus.

Nec surda solerter modos
Discernat auris musicos:
Nec lucis orbus, judicet
De corporum coloribus.

Ne surdus ad vocem DEI,
Et cæcus in vitæ viâ;
De spiritu sententiam
Proferre censor audeas.

Fulgere nocti nesciunt
Atrata nube sidera:
Tui DEIque nescius,
Nil lucis addes alteri..

Tenebras fugare, luminis
Nequibus expers: nubilo
Te vanitatis exime,
Vt veritatem suadeas.

Cæli antè purioribus
Ardere debes ignibus,
Quàm corda multorum queas.
Pari calore accendere.

Cor antè sit templum DEI,
Hospesque sacri Pneumatis,
Quàm lingua verbi publicè
Fiat salutaris tuba.

Cutis tibi ulceribus scatet:
Aliis mederi define:
Quàm multus in multis, cave
Tam nullus esse in singulis.

Tergere quâ sordes voles,
Vt munda sit manus, vide.
Nihilne purgandum putas?
Purganda nôris omnia.

Quis æger ægrotum juvet,
Graviore saucius malo?
Quis labo peccati-nigrum.
Te purget, ipse nigrior?

Avidus videre cetera
Oculus, seipsum non videt:
Nec illa, lippe, sat vides;
Etiam videns, eges duce.

Speculo nihil cum cæculo
Commercii esse convenit.
Oculo cares? speculo abstine;
Oculo alieno te vide..

19. Natus labori, non potes
Vitare, quin subeas jugum:
Ne fasce curveris gravi,
Portare non pigeat levem.

Ne te, nisi imperium premat,
Multis agendis divide.
Opus unum adorna: mens vaga
Non est, ubi esse creditur.

Majora te ne suscipe:
Vitare gnarus vortices,
Et legere littus cymbulâ,
Secura tranat æquora.

30. OLIVERII FLORENTII WATERLOOP

Mediocritatem dilige:
Extrema vita, & durius
Vitæ genus, quām cælitus
Accepta suadet gratia.

Et magna, & alta mentibus
Magnis & altis, parvulus
Relinque; nec tuis onus
Impar lacertis ambiās.

Facilè animantur, qui suis
Minora tentant viribus.
Maiora moliris? brevi
Sub fasce inæquali gemes.

Omnes eodem tendimus;
At non eadem semitâ.
Sub fasce ne labet genu,
Impone par humeris onus.

Qui majus adfectas onus
Quām sis ferendo, te minor
Fies; iniqua viribus
Amplexus, adstringes minùs.

Tentare, quod fieri nequit
Abs te, recusa: te tui
Sic indicabis cognitum
Habere pondus ingenI.

Onus ferente sit minus:
Major onere esto quod subis;
Nam quò minus feres onus,
Hòc ferre majus gesties.

Facilè ut feras quod est grave,
Adfuesce ferre onus leve.
Vitulum tulisse debuit,
Qui ferre cras volet bovem.

Cur sumis imprudens bonis
Exempla de rebus mala?
An te, quod ausus es gigas,
Audere pygmæum decet?

20. Cerebri tumentis viscera
Mirare; lauda, si potes.
Molare lentus maxima,
Et multa sensim perfice.

Sapientia est mentis quies.
Festinat, & cæcos canis
Parit catellos: corpore
Currente, sœpè mens jacet.

Nemo repente fit bonus.
Virtutis in viâ gradu
Incede lento; collige
Animum, deinde corrigē.

Metire te tuo pede.
Gradibus ab imis certius
Ad summa pertinges juga.
Vincetur à lento celer.

Virtutis ad summos gradus
Conscende lentè & suaviter,
Ne mentis alas fervidæ
Tyrannus urat impetus.

Pulcherrimum est artium
Pretium labor: magnæ rei
Minuta sunt primordia;
Ad summa ducunt infima.

Grano subinde parvula
Adjunge grana parvulo:
Nascetur ingens paryulis.
Acervus è granis brevi.

Quod

POEMATVM SPIRITALIVM PARS I.

31

Quod unico non fit die,
Fiat novem, fiat decem:
Quidquid negabit hebdomas,
Aut mensis, hoc annus dabit.

Primis diebus omnia
Ne posse spera; nec die
Quarto esse sanctus: ab infimis
Ad summa tende per gradus.

21. Mortale corpus crescere
Oportet, aut decrescere:
Vis spiritus divinior
Vel proficit, vel deficit.

Vide, & fatere quid tibi
Virtutis olim defuit,
Quid nunc deest: nam si tibi
Iam sufficis, nil proficis.

Si desinas ascendere,
Aut stare te credis, cades.
Quos vedit orbis firmius
Stetisse, momento ruunt.

Cessare non decet virum.
Est avida virtus, esurit,
Silit, ardet; & quod ditior,
Hoc plus deesse conspicit.

Vocabuli praeter genus
Nil feminæ virtus habet:
Licet illa nomen obtinet
Muliebre, res est mascula.

De luce lumen prodeat;
Virtute virtus emicet;
Omnisque palma, ad alteram
Tibi faciat palmam gradum.

In opere cœpto firmiter
Constat, maximum est opus:
Servare donum gratiæ,
Est gratiæ summum genus.

Hominis DEI pueritiae
Nisi antè fias particeps,
Perfectionis nobilem
Virtutis haud tanges gradum.

Cordis suavis humilitas,
Humilisve cordis suavitas,
Amoris & cultus DEI
Duo firma sunt fundamina.

22. Ne Cæli aberres à viâ,
Affuesce doctorem Angelum
Audire, ductorem sequi:
Hoc non aberrabis duce.

Clientulum sic me tuum
Tuere Custos Angele,
Ne mente, lingua, vel manu,
Deus quod odit, audeam.

Cur ore Custos Angelus,
Mentoque glabro pingitur?
Amat pusillis plurimum
Placere pusionibus.

23. Te manè, lectulo statâ
Dum surgis horâ, offer Deo.
Huic mentis, oris, & manus
Opus, quod instat, consecra.

Tege veste corpus: quod jubet
Necessitas, celer expedi:
Cubile sterne: pabulum
Animo coquendum prælege.

CHRISTI

d



32 OLIVERII FL. WATERLOOP POEM. SPIRIT. PARS I.

- CHRISTI omne verbum, & omne Neglecta, & acta, examine
Præsente adora spiritu: (opus Severiore judica.
Hunc Veritatis lux, Fides,
Spes, Caritasque suscitent.
- Vt humilitatem subditi
Vbiique serves spiritus,
IESU & MARIÆ omni loco
Visam saluta imaginem.
- Dic, Ad quid huc veni, frequens,
Nisi ut meipso me exuam,
Et spiritu induitus DEI,
IESU & MARIÆ serviam?
- Pietatis hinc novabitur,
Crescatque fervor: hinc tuus
MARIÆ amorem, & FILII
Stillabit in fratres amor.
24. Ne cordium judex Deus
Te strictius redarguat,
Quâ luce clausos evomant
Suos sepulchra mortuos;
Tui dies in singulos
Cordis latebras discute:
- Mentis recessus abditos
Scrutare; num quid omiseris,
Divina quod lex præcipit;
Aut perpetraris, quod vetat.
- Felix diei clausula,
Placidiisque somni est optimum
Præludium, vigil tuæ
Censura conscientiæ.
- Ineunte nocte, ne prius
Somnum cape, exacto die
Quam cogitata, dictaque,
Et acta tecum penderis.
- Quæ feceris, quæ dixeris,
Quæ cogitaris per diem,
Timore sancto suppata,
Et ante noctem corrigere.
- Si quid boni peregeris;
Dignas Deo grates age.
Si quid mali commiseris;
Deo, ut remittat, supplica.



OLI-